



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Expositio Cavsarvm Quibus S. R. M. Sveciae bellum à  
Rege Regnoque Daniae sibi illatum, etiam post Pacem  
Roschildiae initam, continuare coacta fuit**

**Coyet, Peter Julius**

**[S.l.], 1658**

Lit. M. Articuli Secretiores.

**urn:nbn:de:hbz:466:1-10534**

Quicumque Reges sive Resp. Potestates & Principes pace hac comprehendere cupiunt, apud utrosque Reges id requirere debebunt.

Consensum quoque est, ut Jus Fœdiale una cum Manifesto Danico omnino abrogandum & nunquam in posterum divulgandum aut recudendum sit.

Quo autem hæc omnia, tam in verbis quam in factis, quemadmodum præscripta sunt, ab utraque parte firmiter, fideliter, ac sincere nunc & futuris temporibus observanda & implenda sint, promissum invicem est, quod nostra hæc amicaliter inita pacta & compositiones ab utriusque Regni Regibus Carolo Gustavo Rege Sueciæ, & Friderico III. Rege Daniæ, manuum subscriptione & sigillorum impressione confirmabuntur, & pro majori securitate ab utriusque Regni Senatoribus subscribentur & sigillis eorum munientur.

Conclusum quoque & promissum fuit, quod ab utraque parte unus Regni Senator cum Secretario circa secundam diem Aprilis, Helsingoræ conveniret, & hujus tractatus ratificationem utriusque partis subscriptione & sigillorum impressione roboratam & firmatam modo jam prædicto, secum afferent, invicemque permutabunt: ubi simul Danici literas cessionis super Hallandiam, Blekingiam, Scaniam, Bornholmiam, Bahusensensem item & Trundheimensem Præfecturas secum habebunt & eodem tempore Commissariis Suedicis in conclusæ pacis robur, firmitudinem & observantiam tradent & exhibebunt.

In majorem fidem ac confirmationem hæc, ut jam præscripta sunt, in omnibus suis articulis, acta, pacta, decreta & conclusa esse, & à parte S. R. M. Domini nostri Clementissimi & Regni Sueciæ fideliter & firmiter servatum, eorumque præterea ratificationes prædicto die allatum & constituto loco traditum esse: Ideo manuum nostrarum subscriptionibus hæc confirmavimus, & sigillis nostris obsignavimus, simul petentes à S. R. M. Gallia Legato Ordinario & S. Celsitud. Protectoris Angliæ extraordinario Alegate, tanquam pacificationis hujus mediatoribus, ut in majorem confirmationem ac certiolem testificationem hæc nobiscum subscribere & sigillis suis obsignare velint. Actum Roschildiæ d. 26. Febr. An. 1658.

Le Chevalier  
de Terlon.  
L. S.

Philippe Corfis Gref  
Meadow. of Wilseld.  
L. S. L. S.

Steno  
Wielcke.  
L. S.

Lit. M.

### Articuli Secretiores.

Quandoquidem divina favente Clementia, & interveniente amicali tractatione, coortæ olim dissensiones & controversiæ nunc sedatæ, compositæ, penitusque

que sublata & extincta sint, præter tenuia quædam puncta sive capita, quæ ob certas causas Instrumento Pacis non inserta sunt: Nos infra scripti consultum duximus, ut puncta ista peculiari quodam recessu comprehenderentur, de que iisdem inter Nos conveniretur, modo & tenore, ut sequitur.

1.

Promissum & conclusum est, Generali Majori Ebboni Uhlefeldio in actionibus & prætensionibus suis, quas uno vel alio modo in Dania habere potest, & urgere solet, secundum leges, jura & æquitatem, debitam & plenariam satisfactionem procurandam.

2.

Et ut omnia, quæ errores quosdam post se trahere, vel animos ab hac vel illa parte exulcerare & distrahere possint, penitus eradicentur & è medio tollantur, in majorem pacis confirmationem & augmentum conventum invicem est, ut per istromata illa seu Tapetia, quæ in ignominiam & dedecus Regni Suedici contexta heic in Dania asservantur & custodiuntur, aliis coloribus superilliniantur.

Et quamvis puncta hæc in Instrumento Pacis non allegata sint & expressa, promissimus nihilominus & recepimus, quod eundem valorem & vigorem obtinebunt, ac si prædicto Instrumento Pacis una cum aliis ratihabitis & confirmatis punctis de verbo ad verbum inserta forent. In quorum majorem fidem & certitudinem Nos hoc ipsum manibus Nostris subscripsimus, sigillisque nostris communivimus. Actum Roschildia, die 27. Febr. Anno 1658.

Joachim Gerstorff.

L. S.

Christen Skiel.

L. S.

Lit. N.

## Recessus peculiaris super cessione munimentorum Scaniae.

**S**acr. Reg. Maj. Daniae ad Tractatus Dano-Suedicos Commissarii Plenipotentarii, Nos infra scripti, Dominus Joachimus Gersdorffius in Tundbyholm, Eques Auratus, Magnus Regni Daniae Magister & Senator, Praefectusque Regius in Bornholm; & Christianus Skiel in Fusinge, Regni Daniae Senator, & Praefectus Regius in Tryggewælde: Notum hisce testatumque facimus: Quandoquidem quædam inciderunt difficultates super colloquio, quod cum S. R. M. Sueciae ob evacuationem munimentorum Scanensium Owenus Julius habuit, vigore hujus promissum est, omnia ea quæ in Tractatibus circa eorundem munimentorum evacuationem placita & mutuo conventa sunt, à nostra parte quovis meliori modo ac ratione observatum iri, ita quidem, ut simul atq; Commissarii Suedici advenerint, munimenta cedantur & evacuentur, non obstante, quod definito & præfixo die id fieri non possit. Attamen quod Urbium præsidia & milites concernit, Owenus Julius narrat, S. R. M. Sueciae, ad instantiam & requisitionem S. R. M.

D 2

Daniae